

Grad Novi Pazar  
Skupština grada  
Odbornička grupa SDA Sandžaka  
Novi Pazar  
04. avgust 2021. godine

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O OSNIVANJU KOMISIJE ZA UTVRĐIVANJE PRIJEDLOGA REORGANIZACIJE MJESNIH ZAJEDNICA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 06. avgusta 2021. godine.

**Predsjednik odborničke grupe**  
Ahmedin Škrijelj

## PRIJEDLOG

Na osnovu člana 32. stav 1. tačka 20), člana 36. stav 1. i člana 72. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 107. i člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 6. avgusta 2021. godine, donosi

### **O D L U K U**

#### **o osnivanu Komisije za utvrđivanje prijedloga reorganizacije mjesnih zajednica**

##### **Član 1.**

Ovom Odlukom osniva se Komisija za reorganizaciju mjesnih zajednica, (u daljem tekstu: Komisija) kao povremeno radno tijelo Skupštine Grada Novog Pazara.

##### **Član 2.**

Zadatak Komisije je da utvrdi prijedlog reorganizacije mjesnih zajednica odnosno prijedlog odluke o mjesnoj samoupravi koji obavezno sadrži:

- prijedlog novih naziva mjesnim zajednicama u Gradu Novom Pazaru;
- prijedlog novih područja odnosno teritorija za koje se obrazuju mjesne zajednice;
- prava i dužnosti mjesne zajednice;
- pravni status i finansiranje mjesne zajednice;
- nadležnosti mjesnih zajednica;
- broj članova savjeta mjesnih zajednica i način odlučivanja savjeta mjesne zajednice;
- postupak izbora članova savjeta mjesne zajednice i raspuštanje savjeta mjesne zajednice;
- prestanak mandata članova savjeta mjesne zajednice i formiranje privremenog savjeta mjesne zajednice;
- finansiranje mjesne zajednice;
- saradnja mjesne zajednice sa drugim mjesnim zajednicama;
- i druga pitanja od značaja za rad i funkcionisanje mjesnih zajednica.

##### **Član 3.**

Komisija je sastavljena od po jednog predstavnika svake odborničke grupe u skupštini grada, načelnika Gradske uprave za izvorne i povjerene poslove i načelnika odjeljenja za opštu upravu.

##### **Član 4.**

Radom komisije rukovodi načelnik gradske uprave koji saziva i predsjedava sjednicama. Načelnika gradske uprave u rukovođenju Komisijom mijenja načelnik odjeljenja za opštu upravu.

#### **Član 5.**

Akt o imenovanju članova komisije donosi predsjednik Skupštine nakon dostavljanja prijedloga za članove komisije, od predsjednika odborničkih grupa, a najkasnije u roku od 15 dana od dana donošenja ove odluke.

#### **Član 6.**

Na rad Komisije shodno se primjenjuju odredbe Poslovnika Skupštine grada Novog Pazara o radu stalnih radnih tijela.

Stručne i administrativno-tehničke poslove za rad ove Komisije obavljaće Odjeljenje za skupštinske poslove, poslove gradonačelnika i gradskog vijeća Gradske uprave za izvorne i povjerene poslove.

#### **Član 7.**

Ovu Odluku objaviti u „Službenom listu grada Novog Pazara“.

### **SKUPŠTINA GRADA NOVOG PAZARA**

Broj:

U Novom Pazaru, \_\_\_\_\_. \_\_\_\_\_. 2021. godine

**PREDSJEDNIK**

Dr. Anela Šemsović

## **O B R A Z L O Ž E N J E:**

### **Pravni osnov za donošenje akta:**

Pravni osnov za donošenje ove odluke je sadržan je u:

- članu 32. stav 1, tačka 20) Zakona o lokalnoj samoupravi;
- člana 36 stav1. Zakona o lokalnoj samoupravi;
- članu 72. Zakona o lokalnoj samoupravi;
- članu 107. Statuta grada Novog Pazara;
- članu 147. Statuta grada Novog Pazara;
- članu 137. Poslovnika Skupštine grada Novog Pazara

### **Razlozi za donošenje akta:**

Postojeća odluka o mjesnim zajednicama je prevaziđena i potrebno je istu uskladiti sa realnim stanjem na terenu. Pojedina naselja koja čine jednu cjelinu nalaze se u nekoliko mjesnih zajednica umjesto da budu zasebne mjesne zajednice. Takođe postoje mjesne zajednice u kojima živi više desetina hiljada građana i koje je neophodno podijeliti na više mjesnih zajednica.

Shodno tome neophodno je ući u postupak reorganizacije postojećih mjesnih zajednica i sistem mjesne samouprave u Novom Pazaru unaprijediti te ojačati ulogu mjesnih zajednica u procesu donošenja odluka.

### **Objašnjenje pojedinačnih rješenja propisanih ovim aktom:**

**Član 1:** Ovim članom utvrđen je predmet odluke.

**Član 2:** Ovim članom utvrđen je zadatak Komisije.

**Član 3:** Utvrđena je struktura Komisije.

**Član 4:** Određen je rukovodilac Komisije kao i njegov zamjenik.

**Član 5:** Propisano je da akt o imenovanju članova komisije donosi predsjednik Skupštine nakon dostavljanja prijedloga za članove komisije, od predsjednika odborničkih grupa, a najkasnije u roku od 15 dana od dana donošenja ove odluke.

**Član 6:** Propisano je da se na rad Komisije shodno se primjenjuju odredbe Poslovnika Skupštine grada Novog Pazara o radu stalnih radnih tijela kao i da stručne i administrativno-tehničke poslove za rad ove Komisije obavljaće Odjeljenje za skupštinske poslove, poslove gradonačelnika i gradskog vijeća Gradske uprave za izvorne i povjerene poslove.

**Član 7:** Propisana je obaveza objavljivanja oduke u „Službenom listu grada Novog Pazara“.

**Finansijska sredstva za sprovođenje ove odluke nisu potrebna**